

皇清經解

皇

清

經

解

皇清經解卷三百三十五

學海堂

周易述

元和惠徵君棟著

周易下經

兌宮四世卦
消息十一月

蹇利西南不利東北注升二之五或說觀上反三與睽旁通西

南謂坤東北艮也二往居坤故利西南卦有兩坎坎為險下

坎在前直艮東北之地故不利東北虞氏謂五在坤中坎為

月月生西南故利西南往得中謂西南得朋也東北謂三也

月消于艮喪乙滅癸故不利東北其道窮也則東北喪朋矣

利見大人貞吉注大人謂五二得位應五故利見大人五當

位正邦故貞吉疏

升二至朋矣。卦自升來升六五貞吉升階虞氏謂二之五故云升此卦二之五與

師二上之五成比同義也或說觀上反三虞義也此從四陰
二陽之例矣坤西南卦故西南謂坤艮東北之卦故東北艮
也二往居坤得位得中故利西南卦有兩次兼互體也坎陷
爲險下坎在前艮東北卦正直其地故不利東北象曰其道
窮也此荀義也虞氏據納甲謂五在坤中故曰西南體坎爲
月出庚見丁故月生西南五往得中故利西南往得中陰兌
爲明故西南得朋也三體艮故東北謂三退辛消丙故月消
于艮乙東癸北喪乙滅癸當月之晦天道之終故不利東北
其道窮也東北喪朋謂五六三十也。大人至貞吉。此虞
義也大人天子故謂五五居尊位二正應之故利見太人五
當位居正羣陰
順從故貞吉也

初六往蹇來譽注譽謂二初失位應陰往歷坎險故往蹇變得
位比二故來譽六二王臣蹇蹇匪躬之故注五爲王城爲臣
爲躬坎爲蹇之應涉坤二五俱坎故王臣蹇蹇二上折坤得
正相應故匪躬之故九三往蹇來反注應正歷險故往蹇反
身據二故來反六四往蹇來連注連輦蹇難也在兩坎間進

則无應故往蹇退初介三故來連也九五大蹇朋來注當位

正邦故大蹇睽兌爲朋故朋來上六往蹇來碩吉利見大人

注陰在險上變失位故往蹇碩謂三艮爲碩退來之三故來

碩得位有應故吉也离謂見大人謂五故利見大人矣疏謂

至來譽。此虞義也。二多譽故譽謂二三體坎坎爲蹇初失

位而應六四之陰往歷坎險故往蹇變之正而與二比故來

譽也。五爲至之故。此虞義也。九五乾也故爲王坤臣道

也故爲臣又爲身故爲躬坎難也蹇亦難也故坎爲蹇五本

坤也故之應涉坤三五體坎故王臣蹇蹇二升五折坤之躬

得正相應公耳忘私故匪躬之故虞唯上反三折坤體爲異

耳。應正至來反。此虞義也。三正應上而歷五險故往蹇

反身據二舍應從比故來反卽象傳所云反身脩德也虞唯

以觀上反三爲反身異耳。連輦至連也。此虞義也。馬云

連難也。連古音輦輦亦難也。故云連輦蹇難也。四在兩坎之

閒應在初故進則无應介閒也。退應初而閒於三故退初介

三往來皆難故云往蹇來連終得初應故象曰當位實也。

當位至朋來。此虞義也。五在蹇家處中得正當位正邦故

大蹇旁通睽故睽兌爲朋于氏謂比上據四應二眾陰並至

故朋來也。○陰在至大人。○此虞義也。五坎爲險，故陰在險上。自外曰往，故上變稱往。變失正，故往蹇。諸爻以遇坎爲蹇，此爻以失位爲蹇也。三體艮，艮爲碩，故碩謂三退應三，故來碩蹇終則解，得位有應，故吉也。大人謂五之三，歷五故利見大人言應三則吉比五則利也。

震宮二世卦

消息二月

解利西南

注臨初之四坤西南卦初之四得坤眾故利西南往

得眾也。无所往其來復吉。注謂四本從初之四失位於外而

无所應，故无所往宜來反。初復得正位，故其來復吉。二往之

五四來之初，成屯體復象，故云復也。有攸往夙吉。注謂二也

夙早也。離爲日，爲甲，日出甲上，故早也。二失位早往之五，則

吉，故有攸往夙吉往有功也。

疏臨初至眾也。○此虞義也。卦自臨來初九之四乾鑿度曰

坤位在西南，故坤西南卦四體坤坤爲眾，初之四得坤眾象，傳曰利西南往得眾是也。○謂四至復吉。○此虞義也。四以

陽居陰而在外卦故失位於外進則无應故无所應失位无應故无所往宜來反初而復正陽之位故其來復吉也二已往之五故四來之初而成屯屯初至四體復象故云復。謂二至功也。此虞義也之外曰往故往謂二夙早釋詁文商爲日爲甲古文早作昃說文曰昃晨也从日在甲上是也二既失正早往之五則吉解者緩也故言夙五多功二據五解難故有功也

初六无咎

注二已之五四來復初故无咎九二田獲三狐得黃

矢貞吉

注臨坤爲田田獵也變之正艮爲狐坎爲弓离爲黃

矢矢貫狐體二之五歷三爻故田獲三狐得黃矢之正得中

故貞吉或說坎爲狐六三負且乘注負倍也二變時艮爲背

謂三以四艮倍五也五來寇三時坤爲車三在坤上故負且

乘致寇至貞吝注五之二成坎坎爲寇盜上嫚五下暴二嫚

藏誨盜故致寇至失位故貞吝九四解而母朋至斯孚注初

爲四母與初易位故解而母臨兌爲朋謂二也二已之五成
坎坎爲孚故朋至斯孚六五君子維有解吉有孚於小人注
陰得位爲君子失位爲小人兩係稱維謂五與初也五之二
初之四故君子維有解變之正故吉小人謂三二四正三出
爲坎故有孚於小人上六公用射隼於高墉之上獲之无不
利注上應在三公謂三伏陽也離爲隼三失位動出成乾貫
隼入大過死象巽爲高墉故公用射隼於高墉之上獲之无
不利也疏二已至无咎。二夙吉故云二已之正四來之初
成復復崩來无咎義並同也。臨坤至爲狐。臨
五本坤二上獵五故稱田田者田獵故云田獵也二之五四
體艮艮爲狐九家說卦文坎爲弓輪故爲弓離二黃離故爲
黃馬土注易皆云離爲矢三體離四體艮故失貫狐體二之
五體艮三爻爲三狐故田獲三狐二獵五離體壞故得黃矢
五得正得中故貞吉此兼虞義九家說卦坎亦爲狐卦有兩
坎二四正三出又爲坎故田獲三狐義亦通也。負倍至且

乘○此虞義也負讀爲倍與倍同物同音漢書載禹貢倍尾
山史記作負尾俗作陪字隨讀變禮記明堂位負斧依負又
作倍故云負倍也二變體艮艮爲背背讀爲倍又通於負故
鄭注明堂位曰負之言背古人訓詁音義相兼也三四不正
四爲艮背五在其後故三以四背五五來寇三者案繫上子
曰爲易者其知盜乎虞彼注云否上之二成困三暴嫚以陰
乘陽二變入宮爲萃五之二而奪三成解故云五來寇三時
坤爲車謂萃坤也若然此注不言自萃來者註從四陰二陽
之例故不言自萃來也三不正而乘坤車故負且乘謂小人
而乘君子之器也○五之至貞吝○此虞義也萃五之二成
坎坎爲寇爲盜繫上曰上嫚下暴又曰嫚藏悔盜坎爲暴三
上嫚五下暴于二坎心爲悔坤爲藏嫚藏悔盜故致寇至失
位不變故貞吝也○初爲至斯孚○母古文拇而女也初上
應四四之母也故云初爲四母初係於二四解初係與初易
位故解而母也知初係於二者五爻辭言君子維有解兩係
稱維故知初係二五亦係四也二陽同類故朋謂一二之五
兩係皆解坎信爲孚故朋至斯孚也○陰得至小人○鄭注
乾鑿度曰三十二君之率陽得正爲聖人失正爲庸人陰失
正爲小人得正爲君子故知此君子謂五與初也虞注隨上
六曰兩係稱維五係四初係二五之二初之四兩係皆解故
君子維有解陰係陽而得言解者以在解家故也虞本維作
惟讀爲思惟之惟今不用也六三負且乘繫上釋此爻云負

也者小人之事也故知小人謂三二四已正三出爲坎坎爲孚故有孚於小人。上應至利也。此虞義也。三失位當變之正上應在三故發其義于上爻三爲三公六三陽位下有伏陽故謂三伏陽也。釋爲日鷹隼醜其飛也。輩離爲飛鳥故爲隼五之二成坎弓離矢三動成乾貫離隼體大過故入大過死庸牆也。三動下體成巽巽爲高爲庸故公用射隼于高庸之上。虞氏謂三陰小人乘君子器故上觀三出射去隼兩坎象壞故无不利也。

艮宮三世卦

消息七月

損有孚元吉无咎可貞利有攸往注泰初之上損下益上其道上行而失位故名損二坎爻坎爲孚故有孚與五易位故元吉无咎上之正故可貞三往之上故利有攸往曷之用二簋可用享注坤爲用二體震震爲木乾爲圓木器而圓簋象也震主祭器故爲簋二簋者黍與稷也五離爻離爲火火數二故二簋上爲宗廟謂二升五爲益耒耨之利旣成用二簋盛

稻粱以享於上上右五益三而成既濟故云二簋可用享也

疏

泰初至攸往。卦自泰來泰初九之上乾道上行而失位

序卦曰緩必有所失損者失也故名損二坎爻坎信爲孚二失位咎也與五易位各得其正故元吉无咎也上當益三之正故可貞三往居上攸利有攸往上爻辭利有攸往正指三也。坤爲至享也。坤爲用虞義也。二體震震春爲木說卦曰乾爲圓木器而圓簋象鄭義也。三禮圖曰簋受斗二升足高一寸中圓外圓挫其四角漆赤中其飾如簋蓋簋以木爲之內外皆圓故知木器而圓簋象也。荀氏曰簋者宗廟之器震長子主祭器故爲簋明堂位曰周之八簋祭義曰八簋之實鄭注云天子之祭八簋簋有八而稱二者三禮圖簋盛稻粱簋盛黍稷故知二簋者舉黍與稷也。五離爻故又取象火數以釋二簋上爲宗廟二升五成益益者神農蓋取以興耒耨之利而成既濟者也。故云耒耨之利既成用二簋盛稻與粱以享於上五象傳曰六五元吉自上右也五爲一卦之主上之三成既濟則五之功成故知上右五益三而成既濟也。

初九已事遄往无咎酌損之

注

已讀爲祀祀謂祭祀坤爲事謂

二也遄速酌取也二失正初利二速往合志於五已得之應

故遄往无咎二居五酌上之剛以益三故酌損之九二利貞
征凶弗損益之注失位當之正故利貞征行也震爲征失正
毀折故不征之五則凶二之五成益小損大益故弗損益之
六三三人行則損一人注泰乾三爻爲三人震爲行故三人
行損初之上故則損一人一人行則得其友注一人爻不旅
行也兌爲友損二之五益上之三各得其應故一人行則得
其友天地壹壺萬物化醕言致一也六四損其疾使遄有喜
无咎注四謂二也四得位遠應初二速上五已得承之謂二
之五三上復坎爲疾也陽在五稱喜故損其疾使遄有喜得
正承五故无咎六五或益之十朋之龜弗克違元吉注二五
已變成益故或益之坤爲十兌爲朋三上失位三動離爲龜

十謂神靈攝寶文筮山澤水火之龜故云十朋弗克違不違
龜筮也三上易位成既濟故弗克違元吉矣或說二至五有
頤象故云龜上九弗損益之无咎貞吉注損極則益故弗損
益之謂損上益三也上失正之三得位故无咎貞吉利有攸

往得臣无家注謂三往之上故利有攸往二五已動成益坤

爲臣三變據坤成家人故得臣上動應三成既濟則家人壞

故曰无家疏

已讀至損之○已讀爲祀者古文省故鄭詩譜云孟仲子子思弟子子思論詩於穆不已孟仲

子曰於穆不祀知已與祀通故讀爲祀祀祭祀已下虞義也釋詁曰祀祭也上爲宗廟經曰二簋可用享謂二居五體觀以二簋享於宗廟故祀謂祭祀遄速釋詁文酌與勺同說文曰挹取也坊記曰上酌民言鄭注云酌猶取也春秋僖八年鄭伯乞盟公羊傳曰蓋酌之也訓與說文鄭氏同故云酌取也初與四應初利二速往合五已得應四初曰遄往四曰遄喜皆謂二速往五而喜也陰陽得正故无咎二居五取上益三故二與上皆云弗損益之謂益二也酌損上以益三故曰

酌損之也。○失位至益之。○此虞義也。二失位當之五得正。故利貞。征行釋言文震爲行。故爲征。二失正體兌兌爲毀折。故云失正毀折。二當之五。故云不征之五。則以不征言征。猶不如言如郭璞所謂詁訓義有反覆旁通者也。二之五體益。五辭或益之是也。初之上爲小損上之三爲大益。故弗損益之謂成既濟也。○泰乾至一人。○此虞義也。乾爲人。故泰乾三爻爲三人。震爲行。泰陽息之卦。三陽並進。故三人行損初九而之坤上。故損一人。○一人至一也。○一爻爲一人。三則疑謂旅行也。爻不旅行。故稱一人。非謂止一爻也。兌朋友講習。故爲友損。二之五益上之三。則六爻各得其應。故云一人行。則得其友也。天地壹壺已下繫下文。天地謂泰乾坤也。乾坤交而成既濟。故萬物化醕。一者天地合也。故云言致一也。○四謂至无咎。○此虞義也。二五爲卦主。故四謂二四以陰居陰。得位應初二。祀事遄往。故云二速上五。四近於五。故已得承之二。之五三上復體坎。坎爲疾。陽在五稱喜。六爻皆正。則坎不爲害。故損其疾。使遄有喜也。四得正承五。故无咎。○二五至云龜。○此虞義也。在損家而稱益者。以二之五成益。故云或益之也。坤數十兌爲朋。故云十朋三動體離。離爲龜。馬鄭釋十朋之龜。據爾雅釋魚曰。一曰神龜。二曰靈龜。三曰攝龜。四曰寶龜。五曰文龜。六曰筮龜。七曰山龜。八曰澤龜。九曰水龜。十曰火龜。故云十謂神靈攝寶文筮山澤水火之龜。爾雅之文蓋以釋易故引之一說。兩貝曰朋。朋直二百一十。

六漢書食貨志曰元龜岬冉長尺二寸直二千一百六十爲大貝十朋易十朋者元龜之直義亦通也弗克違不違龜筮者此增虞義不違龜筮表記文二五之正三上易位成既濟人謀既協龜墨又順故弗克違元吉也或說已下義詳頤卦益初至五亦有頤象卦辭皆云龜漢儒无說疑不能明也。損極至貞吉。損極則益王肅義也上者損之極損極則益故弗損益之序卦所云損而不已則益是也損上益三已下虞義也上失正爲損咎也之三得位故无咎貞吉。謂三至无家。此虞義也自內曰往三之上故利有攸往二五已動成益中互坤故坤爲臣三變則據坤而體家人是得臣也上動應三六爻皆正故成既濟家人體壞故曰无家谷永釋此經云言王者臣天下无私家也王肅謂得臣則萬方一軌故无家也。

巽宮三世卦
消息正月

益利有攸往注否上之初與恆旁通損上益下其道大光二利往應五故利有攸往中正有慶也利涉大川注謂三失正動成坎體渙坎爲大川故利涉大川渙舟楫象木道乃行也疏

否上至慶也。○此虞義也。否上爻之初成益。虞注否上九曰否終必傾。下反於初成益是也。與恒旁通。又兩象易也。上之初故損上益下。乾為大明。以乾照坤。故其道大光。五乾中正。二利往應之。故利有攸往。乾為慶。故中正有慶也。○謂三至行也。○此虞義也。三陰失位動而成坎。有渙象。坎水為大川。乾為利。故利涉大川。舟楫之利。以濟不通。蓋取諸渙。故渙舟楫象。巽木得水。故木道乃行也。

初九利用為大作元吉无咎注大作謂耕播耒耨之利。蓋取諸

此也。坤為用。乾為大震。為作。故利用為大作。體復初得正。故

元吉无咎。震三月卦。日中星鳥。敬授民時。故以耕播也。六二

或益之十朋之龜。弗克違。永貞吉注謂上從外來。益初也。故

或益之二。得正遠應。利三之正。已得承之。坤數十。損兌為朋。

謂三變離為龜。故十朋之龜。坤為永。上之三得正。故永貞吉。

王用享於帝吉注震稱帝王。謂五否乾為王。體觀象。祭祀益

正月卦王用以郊天故享于帝得位故吉六三益之用凶事
无咎注坤爲事三多凶上來益三得正故益用凶事无咎有
孚中行告公用圭注公謂三三動體坎故有孚震爲行初至
四體復故曰中行震爲告坤爲用乾爲圭上之三故告公用
圭禮含者執璧將命賙者執圭將命皆西面坐委之宰舉璧
與圭此凶事用圭之禮六四中行告公從注體復四故亦云
中行三爲公震爲從三上失位四利三之正已得從初故告
公從利用爲依遷邦注坤爲邦遷徙也三動坤徙故利用爲
依遷邦春秋傳曰我周之東遷晉鄭是依九五有孚惠心勿
問元吉注謂三上也震爲問主上易位三五體坎已成既濟
坎爲心故有孚惠心勿問元吉象曰勿問之矣有孚惠我德